

Dispositio axiomatica quorundam terminorum modò recitatorum sic habet:

Deus creavit mundum.

Deus conservat Ecclesiam.

Peccatum destruit imaginem Dei.

Sal præservat carnes à putredine.

II. Usus demonstrationis.

1. *E loco causa procreantis & conservantis amplissima surgit messis & materia in laudando, vituperando, consolando & hortando: ut, Salomon condidit hoc templum. E. est opus exquisitum. Majores ipsius fuerunt viri optimi. E. illi benefaciendum est. David ambulans per vallem umbræ mortis non timebit; quoniam Jehova est cum ipso. Crux patienter ferenda; quia est à Deo. Peccatum est fugiendum; quia est à Diabolo.*

2. *A causâ principali & solitariâ laudes & vituperationes ducuntur insignes: ut, Usus magni est faciendus; quia facit artifices. Papa frustra sibi sumit potestatem remittendi peccata; quia solus Deus remittit peccata. Facit etiam ad excusandum: ut, Euryalus est extra culpam cædis Sulmonis & Tagi; quia solus Nifus perpetravit.*

3. *Instrumentis necessariis remotis removetur effectum; ut, Pisces non habent pulmones. Ergò nec respirant. Rex ille non habet nervum belli, pecuniam. Ergò nec geret bellum.*

4. *Causa naturalis permagnus est usus in physicis: ut, Ignis est. Ergò urit. Hæmatites corpori est admotus. Ergò sistet sanguinem. Lepra latius non serpet; quia aurum potum prohibet.*

5. *A causâ volütariâ sumuntur laudes & vituperia personarum, quando animus honesta vel inhonesta conatus est, licet effecta non dederit: ut, Catilina est nequam; quia animus ipsi fuit Romam funditùs evertere. Est author cædis; quia homicidam instigavit.*

6. *Causa necessitate impulsâ agens facit ad hortandum & excusandum: ut, Diutius his locis commorari non possumus, & fortiter pugnandum est; quia frumenti aliarumque rerum egestas prohibet, & quocunque ire placet, ferro*

ferro